

Vuk'uzenzele

Uyefulelwa Luphiko Lwetekuchumana Netekwatisa (i-GCIS)

English/Siswati

Mabasa/Inkhwekhweti 2022

Luhlelo lwekudla esikolweni lucinisekisa kutsi bantfwana abalambi



Bantfwana labangetulu kwetigidzi letiyimfica batfola kudla lokunemsoco esikolweni ngenca yeLuhlelo Lwahulumende Lekudla Etikolweni Tavelonkhe (i-NSNP), lolwacala kusebenta ngemnyaka we-1994.

Loluhlelo luhlose kutfutukisa likhono lebantfwana leku-fundza, ngekunciphisa indlala nekungondleki kahle naseku-khuliseni kuta esikoleni, kakhulu etikolweni lebetincishwe ematfuba.

“Loluhlelo lumcoka ekuchubekiseni emalungelo ebafundzi lakumtsetfosisekelo ekutfola kudla lokusisekelo newekutfola imfundvo lesisekelo,” kuchaza Lisekela Lendvuna Yemfundvo Lesisekelo Dkt Reginah Mhaule.

Ngenca yale-NSNP, banyenti bantfwana labaya ngesikhatsi esikolweni futsi labaya njalo esikolweni, futsi kugcila kwengcondvo etifundvweni kuyatfutuka.


Ngekuya kweLitiko Letemfundvo Lesisekelo (i-DBE) bafundzi bafundziswa kudla kahle kanye nangendlela yeku-

Iyachubeka elikhasini lesi-2



Umlimi lonelikhono lelingakavami wakhela bantfu bendzawo ematfuba emisebenti

Likhasi le-6



I-MDDA igucula inchubo yekunika betindzaba temmango imali

Likhasi le- 12



Kufundza i-Vuk'uzenzele faka i-GOVAPP ku:



Bheka u-SA Government ku-Google playstore nome ku-appstore

TSINTSANA NATSI

Vuk'uzenzele

@VukuzenzeleNews

Iwebhusaythi: www.gcis.gov.za

I-imeyli: vukuzenzele@gcis.gov.za

www.vukuzenzele.gov.za

Lucingo: (+27) 12 473 0103

Tshedimosetso House:

1035 cnr Frances Baard and Festival streets, Hatfield, Pretoria, 0083

ELEMAHHALA ALITSENGISI

Isukela elikhasini leku-1

phila lekahle.

Tikolwa futsi tiyagcugcutelwa kutsi titisungulele tingadze tato tekudla kute tingete kulokudla kwe-NSNP. Bafundzi, bothishela nebatali bayafundziswa kutsi batilimele kudla kwabo.

Imiklomela ye-NSNP

Sikolwa semabanga laphasi i-Thabang Primary School saseBethlehem, singulesinye setikolwa lesizuzako ku-NSNP.

Lesikolwa sisandza kuwina Umklomela We-NSNP Wesi-kolwa Lesihamba Embili.

Lemiklomela ibungata luhlelo lwekudla lwetikolo ngekubuka kuhlanteka netekuphepha, kudla lokunemsoco, tingadze

tekudla netemfundvo yetekudla.

“Ngibonga kakhulu kutsi lesikolwa siwine lomklomelo,” kusho Seyanokeng Sejake, longuThishelanhloko we-Thabang Primary School kuleminyaka lema-24 leye-ngcile.

Sikolo i-Thabang Primary School besisebentisa loluhlelo lwetekudla kusukela ngeninyaka we-1994. Namuhla, sicinisekisa kutsi bafundzi baso laba-1 065 batfola sidlo sasekuseni lesinemphilo onkhe malanga kubosomabhezini balenzawo.

Lokudla kuphekwa malunga emmango langasebenti, lacashwe ngumtimba Lolawula Sikolwa (i-SGB).

“Bantfu labasitfupha labati-

nikele kusebenta ngalokudla (ema-VFH) benta lokudla lokucela kuLitiko Letemfundvo ngekusebentisa lwabiwomali lwalesikolwa,” kusho Sejake. Ngilelo nalelo-VHF litfola inkhokhelo ngekupheka lokudla.

Sikolo i-Thabang Primary School sahamba embili kulomcimbi wekuklonyeliswa ngenca yekusebenta ngekutikhandla nekutibophelela kwe-SGB, kwelicumbu leliphetse kanye nekuba nekomiti ye-NSNP lesebentako, kusho Sejake.

“Kugcina sikhatsi yintfo lelandzelwa njalo. Asivumi kutsi kube nalabalovako, bangenaso sizatfu lesivakalako, futsi site bafundzi labayekela sikolwa. Kugcila kwetindco-ndvo kwebafundzi betfu kanye

nekusebenta kwabo jikelele nako kunyukile,” wangeta washo njalo lomake.

Njengoba umklomelo wekuwina kulikhishi lelisezingeni lelisetulu lelakhiwa yi-Tiger Brands Foundation, loluhlelo lwekudla lwesikolo lwentiwe kutsi lube ngulelincono.

Lesikolo futsi sicinisekisa kutsi kunekudla lokwanele lekulawulwa kahle, kucinisekisa kutsi kuhlala kunekudla lokwanele kuloluhlelo.

“Sibonelo, sinengadze yekudla lesiphakela ngemifino kute singete kulolwabiwo lwe-NSPN,” kusho Sejake.

Labatfole Imiklomela

Kulesigaba, Sikolo i-Grootdrink Intermediate, lesiseSigodzini iMgcawu eNyakatfo neKapa,

satsatsa indzawo yesibili; kwatsi Sikolwa Semabanga Laphasi i-Aaron Gqedu Primary School, lesise-Nelson Mandela Bay eMpumalanga Kapa, sona satsatsa indzawo yesitsatfu.

Batawutfole imphahla yasekhishini levela kuLitiko Letemfundvo Lesisekelo.

Umklomelo weSigodzi Lesihamba Embili watsatfwa yi-Umzinyathi (KwaZulu-Natal). Sigodzi I-ZF Mgcawu (eNyakatfo Kapa) satsatsa indzawo yesibili kwatsi i-Metro North (eNshonalanga Kapa) yona yatsatsa indzawo yesitsatfu. Sigodzi ngasinye saklonyeliswa ngemphahla yasehhovisi neyekhompuyutha.


Ngemnyaka we-2021, i-NSNP yaphekela bantfwana kudla etikolweni leti-21 189.

Gcina Bantfwana baphephile ku-inthanethi

Njengoba umhlaba ukhulisa lizinga lekusebentisa i-inthanethi, kumcoka kutsi bantfwana batsatse lelitfuba babe futsi bahlala baphephile.

Tekuchumana Tahu-lumende Netekwatisa (i-GCIS) kanye ne-Digify Africa basandza kubamba umhlangano we-inthanethi nenhlangano yeTekulawulwa Kwetetindzaba i-Media Monitoring Africa (i-MMA) kanye neBhodi Yetemafilimu Neyetekushicilela (i-FPB) kute kufundzise bantfwana, bothishela, batali kanye nemmango mayelana nendlela lekahle yekusebentisa i-inthanethi.

Phakamile Khumalo, LonguMphatsi Weluhlelo Lwetekutfutukisa Emakhono Kuhulumende Nakubentindzaba e-MMA, watsi basikhombisa ebantfwaneni labalishumi labaphendvula imibuto njengendlela yeluchwaningo lwe-SA Kids



Online Study batsi basebentisa i-inthanethi ngaphandle kwemvumo yebatali babo. Ngulabane kuphela kulabali-shumi labanelwatiso lolutsite mayelana nekuphepha ku-inthanethi.

Loku kukhombisa kutsi bantfwana badzinga emakhono netinsita tekubasita kutsi basebentise i-inthanethi ngendlela lephephile.

Mmaletjema Poto, Lophetse Tekuvikela Bantfwana ku-FPB, watsi batali kufuneka bati ngebungoti bantfwana

babo labahlangabetana nabo ku-inthanethi, lokufaka ekhatsi kubuka titfombe tekulalana tebantfwana noma kuhlukumeta bantfwana ngekwelicansi, netekubafundzisa ngetemacansi.

Bantfwana bangaba bantfu labavuleleka malula kutsi bahlukunyetwe bahlukubeti betemacansi labaku-inthanethi ngekusesha kuphela i-inthanethi nangekucafata ilinki lengakafaneli.

Bantfwana babese bacala kutitsemba letigilamkhuba

bese tiyacala kubafundzisa temacansi.

“Umntfwana uvamise kuba nemahloni bese akasakhlumi ngaloko, lokwenta kube likhuni kutsi baphume kulomjikeleto wekufundziswa temacansi,” kwasho Poto.

Wabese futsi lomake uchwayisa ngekutsi kungabelwana emavidiyo noma titfombe tetemacansi ku-inthanethi.

“Sekungumkhuba kwabelana ngetintfo letsite ku-inthanethi. Kodvwa kwabelana ngetintfo letinjena kubufakazi bekuhlukunyetwa kwebantfwana. Kutfolakala unetintfo noma kwabelana ngato kulicala,” kwengeta Poto.

Lusito lukhona

Kunetinsita letehlukahlukene letikhona tekusita bantfwana kute basebentise i-inthanethi ngendlela lephiphile.

I-MMA isebentisa ema-Web Rangers, lekuluhlelo loludijithali lwekufundza nekubhala lwekutfutukisa emakhono ebantfwana, abothishela newebatali. Emavidiyo

etemfundvo lamayelana nebuchwaga ku-inthanethi, kubhala ngetemacansi kanye nekufundzisa bantfwana temacansi kuyatfolakala ku-www.webrangers.co.za.

I-MMA futsi isita bantfwana ngalewebhusayithi yayo i-Hashplay letsi (<https://hashplay.co.za>), lefaka ekhatsi inkhundla levumela bantfwana kutsi bakhulume nemchumanisi nge-inthanethi mayelana naloko labahlangabetana nako etinkhundleni tekuchumana temmango.

I-Digify Africa inenkhundla yamahhala ye-bot ye-Kitso WhatsApp lesita bantfwana kutsi babe nemakhono ladijithali lamayelana netekufundza nekubhala. Vakashela <https://digifyafrica.com/learners-responsible-citizens>.

Ungabika kuhlukunyetwa kwebantfwana ngekwebemacansi noma kwebudlova nge-inthanethi ku-FPB ngekutfumela i-imeyli lephutfumako letsi-hotline@fpb.org.za noma ngekushayela lenombolo letsi-012 003 1400. Ungabika ngaphandle kwekutiveta kutsi ungubani.



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and Production
Regomoditswe Mavimbela | Regomoditswe@gcis.gov.za

Editor-in-Chief
Tyrone Seale | Tyrone@gcis.gov.za

Managing Editor
Irene Naidoo | irene@gcis.gov.za

News Editor
Noluthando Motswai | noluthandom@gcis.gov.za

Writers
More Matschediso
Silusapho Nyanda

Graphic Designers
Tendai Goneso | Benny Kubjana

Production Assistants
Jauhara Khan | Sebastian Palmer

Language Practitioners
Nomgcibelo Motha | Boitumelo Phalatse
Thandolunye Magudulela | Sizwe Ziqubu


All rights reserved. Reproduction of the newspaper in whole or in part without written permission is strictly prohibited.

Vuk'uzenzele
is published by Government Communications (GCIS)



Distributed by:





Kwenta kancono kugcogcwa kwentsela kusekela kusimama nekukhula kwemnotfo



Muva nje, Betemi-sebenti Yetentsela Eningizimu Afrika (i-SARS) kumbiko wabo wekucala wekugcogca intsela bamemetele kutsi bagcogce imali lengetulu kwemathriliyoni la-R1.5 emkhatsini kwa-Mabasa 2021 neNdllovu lenkhulu 2022.

Loku kukhomba ku-khula nge-25% kulomnyaka lowengca nange-15% emnyakeni losandza kundlula ngembi kwekungena kwalobhubhane we-COVID-19.

Ngaso leso sikhatsi, i-SARS futsi ikhokhe imalimbuyiselo lesetulu kunayo yonkhe kusakela yasungulwa eminyakeni le-25 leyengca.

I-Ejensi lenelikhono lekugcogca intsela ikutsatsela etulu kwakha hulumente losebentako.

Imali yentsela ikhulisa kutfutuka kwesive sakitsi. Imali legcogcwe yi-SARS isebenta kuphakela tinsita nesakhiwonchanti.

Ngalemali lemathriliyoni la-R17.8 legcogcwe yi-SARS kusukela ngemnyaka we-1997, sikhone kwakha sakhiwonchanti setenhlalo lesifana nemitfolamphilo, tikolwa

netibhedlela, satfutukisa futsi sakha imigwaco lemisha, futsi sasekela imimango lebutsa-katsaka kakhulu ngekuyinika sibonelelo sahlumende kanye nangaletinye tindlela.

Uma tindlela tekugcogca intsela kanye nemitsetfomigomo letisekelako isebenta kahle, ngendlela lelula nalene-kulingana, tenta kutsi kukhule kulandzelwa kwemtsetfo.

Kubuyisela kusimama nekwetsembeka ku-SARS bekungulokunye kwetintfo lengiticalisa embili ngesikhatsi ngikhetfwa ngiba nguMengameli ngemnyaka we-2018.

Njengaletinye tikhungo letimcoka letinengi, i-SARS nayo iyatsintseka ngalemi-phumela lemibi yekubanjwa kwembuso ngabhongwane, kungenelela kwetepolitiki, kungabi nebulholi lobukahle kanye naletinye tintfo letitsinta kakhulu kusebenta kwayo ngemphumelelo. Loku kwaba nemtselela lomkhulu ekubukeleni phasi kutiphatsa kahle kwebakhokhintsela, futsi kwaphindza kwenta kutsi emabhizinisi alahlekelwe litsemba kulesikhungo.

Ngemnyaka we-2018, ngasungula ikhomishane yeluphenyo

leyabuka kulawula tekugcogcwa kwentsela nekuphatfwa kwe-SARS lebeyiholwa lijaji lesalatsa umhlali phasi Lijaji Robert Nugent. Lekhomishane yatfula umbiko wayo wekugcina ngasekupheleni kwaloyo mnyaka.

Eminyakeni lemine leyalandzela, i-SARS yasebentisa cishe tonkhe tincomo leti-16 kanye naletinye letingaphasi kwaletit leti-27 kute kubuyiselwe kusimama kulesikhungo.

I-SARS isebentise indlelalisu legcile ekuguculeni simo kute itibeke esimeni sekusebenta lesinemphumelelo nalesisezingeni lelisetulu. Ineluhlelo lolufaka wonkhe umuntfu lolugcugcutela kutiphatsa kahle nekulandzela umtsetfo wekukhokha intsela.

Emanani lasetulu emphahla lakhona nyalo, labanga kutsi kukhule imali yentsela yemalingena yetemabhizinisi, abe neligalelo leliphulu ekukhuleni kwentsela legcogciwe lokusandza kwenteka. Lokunye lokube neligalelo nguletinyatselo letitsetfwe yi-SARS tekutfutukisa bucwephe bayo kanye nalesinye sakhiwonchanti, kutfutukisa kukhokha kwentsela yetimphahla letivela emaveni angaphandle, kucasha basebenti labanemakhono, kanye nekucedza umkhuba wekungakhokhi intsela newebugebengu.

Lesinye saletincomo teKhomishini Ya-Nugent kwaba ngukutsi i-SARS yasungula kabusha likhono layo lekugadza nelekuphenya imikhuba yekutsengiselana ngalokungekho emtsetfweni.

Iyunithi Yekutsengiselana Ngalokungekho Emtsetfweni leyasungulwa kabusha ngemnyaka we-2018 ibe nemphumelelo lesezingeni lelisetulu lecedza kutsengiselana ngalokungekho emtsetfweni, lekufaka ekhatsi kugcila eku-phulweni kwemtsetfo wentsela yemphahla levela emaveni angaphandle.

Imali yentsela legcogcwe kutinkhapani letibhalise e-JSE, legcogcwe kutinkhapani letisebenta emaveni lahlukahlukene kanye naleyo lekufuneka ikhokhwe ngumuntfu ngamunye nyalo seyilawulwa ngendlela lenemphumelelo lenkhulu ngekusebentisa Iyunithi Yetemabhizinisi Lenkhulu, lecale kusetjentiswa kabusha ngemnyaka we-2020.

Ngenca yekuphumelela kwe-SARS kugucula simo kube nekukhula ekutfobeleni umtsetfo mayelana nemaliyentsela yemalingena yemuntfu, yemalingena yemabhizinisi kanye nakuNtsela Ledvonswa Kumihlo Yebasebenti.

I-SARS ibatsatsela tinyatselo bonkhe lababalekela kukhokha intsela, bonkhe labazuzako ngekulandzela tinchubo tebugebengu, nalabo labenta inkohlakalo. Kuyintfo lekahle kutsi "Umsebeni Wekugcogca intsela" ungulelinye lithulusi lelisebenta kahle kakhulu lekucedza inkohlakalo.

Etimeni lapho khona indlela yekuphila yemuntfu ingahambisani naloko lakudzalulako, i-SARS yente luphenyo lolumayelana nalelo zinga lekuphila. Emnyakeni lowengcile, i-SARS iphotfule

tigameko teluphenyo tendlela yekuphila letente kutsi kugcogcwe lenye imali letigidzi leti-R474.

Njengoba sisachubeka nge-mitamo yekukhulisa emandla ahulumende neyekwakha kabusha tikhungo lebetentiwe ngenhloso yekutsi tingabi nemandla ngenca yalokubanjwa kwembuso ngabhongwane, kuningi lekufuneka sikufundze kulemphumelelo ye-SARS leyenteke ngesikhashane lesincane.

Uma tikhungo tahlumende tiphetfwe kahle nangendlela lenemphumelelo, uma tikhombisa kutsembeka nekusebenta ngebucotfo, loku kwengeta kumazinga lasetulu ekutsembeka kuhulumende. Liyakhula litsemba labosomabhizinisi nelebatjalitimali kulesikhungo, lokugcugcutela kutsi batjale timali kakhulu futsi kube nekukhula kwemnotfo.

Baholi nebasebenti be-SARS kufuneka bahalaliselwe ngenca yemsebeni wabo lomuhle. Sibonga kakhulu bakhokhintsela baseNingizimu Afrika ngekutsembeka kwabo. Ngaphandle kwekubambisana nabo, lemali yentsela yakamuya beyingeke itfolakale. Lokutsi i-SARS ikhulise lesisekelo sekukhokha intsela ngekungeta bantfu labasha lababhalisile labatigidzi leti-1.8 kulomnyaka lowengcile kungulenywe imphumelelo lemcoka.

Singakhona kwakha kabusha iNingizimu Afrika uma sichubeka kusebenta ngekubambisana, futsi nangekukhulisa emandla ekwenta umsebeni lesibukene nawo nyalo kute sicinisekise kutsi letimali tentsela tisetjentiswa ngebuhlakani nangendlela lenemphumelelo.